

AMODIO EDERRAREN AMA DANARI MAYATZEKO LORAK.

*Zeñ miragarri dan
Goazen ikustera,
Edengo lirio
Maria ederra,
Eta lora zuriz
Eginik arua
Apaïndu daiogun
Berari burua.*

Lorez-lora zeñ gois,
Usò chit zuriak
Topetan dabiltzan
Usaiñ pozgarriak,
Agaitik Zerutik
Zatorkuz zu egan,
Gu poztzera Ama
Zure amorean.

Zeñ miragarri dan.....

Illargi gañeko
¡O Neskatillea!
Larrosen Larrosa,
Loren chit Lorea,
Dontzellen Dontzella,
Andren añ Andria,
Ametan Ama ¿nor
Da Zu duiñ andia?

Zeñ miragarri dan.....

¡O izan danetan
Goren gorengua!
Nok leuken zuretzat
Bear bestekua!
Amore bat sutsu
Gozo ta garbia,
Eskini daizugun
Mayatz loratia!

Zeñ miragarri dan.....

Lirioz jantzirik
Bekokia eder
Mendi puntan Ill an
Gois dogu ikusten,
Dukarrelako añ
Soñeko gorria
Oriturik doa
Iges Illargia.

Zeñ miragarri dan.....

Goisez añ gozó da,
Egunez argia,
Gabez izartsu ta
Iparrez ezta,
Zuretzat dalako
Berariz egiña
Artu egiguzu
Ama Erregiña.

Zeñ miragarri dan.....

Opa nai deutsugu
Azkenez biotza,
Zu zarealako
Beti bere poza,
Alabau zagizan
Ill guztian gozoz,
Soñu leun, eztiz ta
Berba neurtu gozoz.

Zeñ miragarri dan.....

FELIPE ARRESE ETA BEITIA.